



Հուլիսի 30-ից օգոստոսի 6-ը Աղվերանում մեկնարկեց «Աղջիկ սկաուտների և գայդերի ազգային միավորում» հասարակական կազմակերպության ազգային ճամբարը: Հանգստյան այս ժամանակահատվածում ճամբարների հսկա բազմազանության մեջ Աղջիկ սկաուտների ճամբարը տարբերվում է մյուսներից: Այս տարի ճամբարը էլ ավելի հետաքրքիր է նրանով, որ անց է կացվում մեր մարզի Բջնի համայնքում ու ճամբարի առաջնորդն էլ մեր համաքաղաքացի Անի Հովհաննիսյանն է: Ակտիվ 7 օրյա հանգստին մասնակցում են օտարերկրյա բազմաթիվ սկաուտներ, մեր երկրի տարբեր մարզերի ներկայացուցիչներ, այդ թվում նաև բյուրեղավանդի տասնիակ աղջիկ սկաուտներ: Ճամբարում օրերը հագեցած ու բովանդակալից են անցնում: Երխաները բազմաթիվ հմտություններ են սովորում, ընկերանում միմիանց հետ, ծանոթանում այլ մշակույթների: ՀՀ արտակարգ իրավիճակների նախարարություն Կոտայքի մասնաճյուղի փրկարարները սիրով ու պատրաստակամությամբ իրենց հմտությունները փոխանցեցին երեխաներին: Ժայռիջեցում, գետանցում ԱԻՆ-ի օժանդակությամբ, թաքստոցների պատրաստում, կապեր, արշավներ: Կողմնորոշում տեղանքում, հետախուզական նշաններ, կողերի ու գաղտնագրեր ուսուցում: Թրեյնինգ միացյալ թագավորության աղջիկ սկաուտների կողմից, ուրախ խարույկ, ազգային պարեր իսկ վերջում ավանդական ճամբարի վերջին օր, խարույկ, բաժանման արցունքներ ու մյուս տարի կրկին հանդիպելու խոստումներ:

07.08.17